


Renschio (J)

Praecavendae et Curandae.
pestilitatis methodus.

Leipzig.




Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5439/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5439/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5439/A




Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5439/A

5439/A

G. V. Rev

(4) 64362



Am. Volkelo p. p. p.

AMPLISSI

MIS IUXTA ATQVE PRVDEN-
tissimis uiris & dominis Guolffgango Wideman Barp-
tholomeo Abt et Egidio Morch &c. Consulib. Lyp-
sensib. digniss. ceterisq; Lypsiae adilibus currulib.

Senatoribusq; ut optimis ita de repub. be-
nemeritis. Ioannes Reuschius

Eschenbachensis. S.P.D.

CONSTANS & peruulgata est fama, uiri Con-
sules & Senatores amplissimi pestiferū hostem
Epidemiam deuicto Rheno subacta Polonia &
maiori Saxonie parte in Misnia iam castra locasse, bre-
uiq; futurum, ut ditionis uestrae agellos occupaturus
sit. Quum itaq; Medici intersit non modo praesentem
egritudinem dimouere, sed & habitam sanitatem conser-
uare. mearum partium esse duxi, etiamsi nullius inter
medicos nominis sim, breuissima quadam Methodo do-
cere, ut periculosiss. hostis insidia & uirulentiss. iacu-
la declinari uitariq; debeant. Quicquid ergo lucubratio-
nis id est, amplitudini uestrae cum de doctis omnib. tum
de me potissimum optime merita nominatim dedico.
Speroq; laborem hunc meum non uobis modo, qui bo-
norum pastorum more apud uestros domi excubare
debetis, sed & omnibus gladium tenentibus mirum in

*Acc. Reg. Lond
ex dono H. H. Howard
Norfolciensis.*

modum profuturum, olimq; uos omnes magno omnium
commodo testaturos hanc meam operam haudquaquam
parum aduersus seuisimi hostis insidias promouisse. Val.

PRAEFATIO.

GALENVS Medicorum post Hyppocratem prin-
ceps alicubi tradit praeseruationem curationem quan-
dam esse, parumq; referre, si quis hoc pro illo utatur,
Medicos enim operatione sua humani corporis uitia
tollere, nihilq; in praesens talem exquisitam locutio-
nem proficere. Quum itaq; futurorum morborum prae-
custodia generatorum correctioni similis sit, planeq; ad
Medicum pertineat, uolui primum omnium, ut sanitas
habita conseruari, deinde uero, ut amissa recuperari de-
beat, praescribere, eoq; pacto praeter usum, si quis mo-
do nostri est, quid patriae quidq; amicis debeam, osten-
dere. Principio itaq; praefari mihi libuit, fieri nequaquam
posse, ut unam eandemq; uictus rationem eademq; re-
media ad cuiuslibet pestis insultum usurpes, sed princi-
pis aut magistratuum iussu cum Medicis de pestis caus-
sa deq; appositis aduersus eam remedijs conferendum
esse, iuxtaq; illorum ordinationem ciuitati & prouin-
ciae magno animo pro cuiusq; opibus prospitiendum.

DE PESTIS NOTIONE. CA. I.

Quod itaq; ad institutum attinet, Pestis pestilen-
tia pestilitatis & Epidemiae uoces apud Medicos saepe

A ij

numero confunduntur. Siue enim totum hoc pestilitatem pestilentiamue aut communiori uocabulo pestem seu Epidemiam dixeris, inconfesso est eum te morbum uelle, qui uniuersaliter & multis pestifer est ex mutatione aeris in putredinem uel qualitatem pessimam obortus, cuius finitio est, Affectus præter naturam contagiosus, ex aeris corruptione in propria substantia & qualitate caussatus, subito alios & alios uario modo inuadens, aptusq; inuasum confestim interficere.

Hoc enim pacto uoces dictæ omnes finire possunt, nemi nique dubium est, quin hac ratione pestis intra limites suos conclusa longo interuallo ab Ophtalmia, Pthisi, Lepra, Endimia ceterisque acutis morbis distet. Si uero cuipiam libeat anxie, quid pestilentia, quid morbus pestilentialis, quid pestis, quid Epidemia, in quo concinant rursumque discordent, expendere, ociosos & Logodædalos consulat, meum institutum est generali pestilitatis uocabulo rem omnem studiosis ob oculos ponere. Quod ut rectius fiat, themata quædam de pestis causa producam.

DE PESTIS CAUSSA. CA, II.

- I Pestilitatis causa ut plurimum aeris mutatio est
- II Is uero alias in substantia alias in qualitatibus, alias mixtim in utroque immutatur.
- III Immutati aeris causæ sunt. Anni intemperantia, siderum ortus & occasus, horumque solis uel propinquitas uel elongatio, uenti, regiones

Et uapores.

- III. Caussarum uero mutati ad pestem Et corrup=
tionem aeris alia superna sunt, alia inferna.
- V. Supernae formae sunt coelestes malitiosaeq; pla=
netarū reuolutiones. Auenzoar enim Et Aui=
cennas contra Galeni etiam sententiam pestem
diuinitus immitti concedunt.
- VI. Inferna uapores sunt corrupti Et infecti ē ter=
ra cauernis uel putrefactis lacubus uel demor=
tuorum cadauerib. alijsq; putrescētib. rebus
oborti.
- VII. Inter res putrescentes cemiteria, paludes in=
quibus linum canabis Et asphaltis nōnunq; ma=
desiunt, aquae stagnantes, latrinae, omnia clau=
sa Et foetentia, uirulētia animalia, subitaria pu=
terorum aut chasmatum apertio, ceteraq; re=
censentur.
- VIII. E quibus rebus pestifer halitus euaporans plan=
tas primum, deinde uolatilia quadrupediaq;,
mox ulterius serpente contagione hominē, mor=
taliū omnū miserrimū dignissimūq; intoxicat. Atq;
haec caussa Germanis cū omni natione cōmunes sunt.

Viciniores uero causae peculiariterq; ad Germa=
nos pertinentes sunt, praecipua loci humiditas, sum=
mum gulae studium, inordinatissima uictus ratio, as=
sidua bibomachia, immoderatissimus Veneris aliorumq;
exercitiorum usus, Scaptensularum, quas Argentifo =

A iij

dinas uocant, frequentia, è quibus uelut è Plutonio aut
Amſancto aut Auerno lacu peſtiferum halitum trahi
eoq; auaritiæ cuniculos (ut Plinij uerbo utar) dere=
pente mori inconfèſſo eſt. Quid uero de miſera pietate
dicam? qua bonorum, ſi dijs placet, Chriſtianorum more
peſte affectos inuiſimus, conſolamur, cumq; ijs nego=
tia tranſigimus. deinde uita defunctos traditis per ma=
nus Ceremoniis ad ſepulchrum uſq; inſequimur. Huc
pertinet inconfulta plerarũq; Germaniæ ciuitatum Po=
litia, in qua neq; ſurrogati ſunt intoxicatorum Medici,
neq; ad conſtitutam Pharmacothecam ſcribentes, neq;
definiti, qui peſte correptis inſeruiant d-ploratoſq; ef=
ferant, neq; etiam ſelecti preſbiteri, qui & conſitentes
audiant & ſacroſancta Euchariftia procurent, ſed in
qua funeſta domus patent ſemper, nullaq; adium &
platearum ſeruatur mundities, ubi etiam tabernæ uina=
riæ cereuiſiariæq; & publica balnea indifcriminatim
petuntur, porciq; & pecudes in ciuitate paſſim & alun=
tur & maſtantur

Hijſce itaq; de cauſis infectus aer hominisq; conſer=
uandi cauſſa ſubinde ad cor inſpirando per anhelitum
attractus non modo ſpiritus, qui in corde eſt, tempera=
turam corrumpit, ſed & reliquas in corde & pulmone
humiditates ad putredinem perducit, idq; nullo primariũ
qualitatum exceſſu ſed ſola uenenofa proprietate, ac=
cidensq; hoc pacto extranea præter naturam caliditas
in alijs peſtiferam febrem in alijs cum febre bubones an

traces similesq; pestiferos abscessus producit. Num
autem febrim antecedit antrax aut sequatur, quotq; mo-
dis id fiat, & an possit sine pestifera febre carbunculus
prouenire, otiosis discutiendum relinquo, nobis enim
ad præseruationem & curationem accelerantibus mini-
me uacat hæc ipsa ad amussim expendere.

DE INGRVENTIS PESTILEN-
tie prognosticis CA. III.

NE autem contingat hominem uelut incautum ni-
hilq; minus sperantem à letifero morbo tam misere peri-
mi, aliquot prognostica, è quibus aerem infectum esse
colligitur, adijciam, ut in tempore bezoardicis medici-
nis sibi quisq; prospiciat. Tum enim uehementer pestis
timenda est, cum post Solis aut Lunæ defectum ignitæ
impressiones sub ipsum autumnum apparuerint, no-
thusq; seu auster solito crebrior spiraucrit, aut cū plus
equo turbatus aer calignosas nebulas induxerit, aut cū
in Vere, quod calidū & humidum esse debet, in suspe-
cto frigore rarerit pluerit, nec Estas uehementer ca-
lida sed multæ conturbationis fuerit, reliquæq; anni
partes suas qualitates non probe seruauerint, aut cum
interdum nunc opacum nunc serenum, nunc calidum
nunc frigidum, nunc humidum nunc siccum fuerit.

Mox cum auicule præter solitum humi gradientes &
nidos & pullos deseruerint, pueriq; uariolis & mor-
billis subinde laborauerint, aut quum pregnantæ abor-

A iiij

tum fecerint, aut cum ipso abortu interierint, aut à par-
tu Epilepsia laborantes (quod hoc anno Lypsiae non
ita rareriter contigit) oppetierint . Ad extremum quum
insecta , quae Graeci enthoma uocant , sua spontina ge-
neratione solito auctiora reddita fuerint, aut quum ani-
mantia in terrae caue rnis degentia suis specubus postha-
bitis in terrae superficiem eruperint , aut cum ambiphia
terram potius q̃ aquam incoluerint , piscesq; emortui
subinde littoribus expositi fuerint. Hijsce itaq; simili-
busq; signis, ceu certissimis uenturae pestis antecambu-
lonibus facillimū fuerit infecti aeris malitiam colligere.

DE PRAESERVATIONE A PESTE

Idq; in sex rebus. non natura =
libus CA. IIII .

REGIMEN quod Medici praeservationem dicunt ,
non inchoatam sed eam, quae e' productis causis futura
est, aegritudinem respicit. Quum itaq; morbi non uer-
bis sed Antidotis ijsq; appositis arceantur, remedia nō =
nulla multos iam annos receptissima longoq; multorum
usu probatissima subnectam, quae an bene attigerim Me-
dicis Lypsenfibus praceptoribus meis amantissimis doc-
tisq; omnibus iudicandum relinquo. Omnium itaq;
primum in praeservatione, quam & curationem quan-
dam concedimus, obseruandum est, ut cum deo patreq;
nostro & domino Iesu Christo in gratiam reuertamur.
Sanat enim solus languores deus (inquit Mesue) &

quod futurum est de languoribus prohibet, sine cuius
nutu Auenzoaris auctoritate nihil horum fieri contin=
git. Deo itaq; per amorem coniungamur, nec poterit
uel ab humani generis aduersario procurata pestis no=
bis obesse. Deinde, ut iuxta solenne Medicorum (cito
longe tarde) cōfestim fuga salutem queramus, idq; pro
cul à patria, nec ante q̄ aura probe expurgata reuerta=
mur. Mox sibi quisq; ab infectorum consuetudine,
loco, uestibus & publicis comicijs caueat.

¶ Vbi uero per mercaturam aut magistratum aut
rem angustam domi fuga salutem quærere non licucrit
sex rerum, quas non naturales Medici uocant, summa
haberi ratio debet, interq; illas potissimum aeris, non il
lius quidem simplicis, sed pro spiritu alterando fouen=
doq; per oportune mixti, nimirum ut frigidus siccusq;
sit, idq; si non natura, saltem arte sequentiue decocti=
one. Recipe rosarum rube, lib. j. mirtillosum lib. j. 5.
sandali utriusq; lib. 5. probe conquassentur & in ace
to odorifero buliantur. Hæc etenim decoctio circū cir=
ca per domus parietes irrorata & aerem mirabiliter
rectificat & spiritum uitalem animalemq; mirum immo
dum refocillat. Idem prestant Mirti rosarumq; & sa=
licis folia & boni odoris flores per triclinij et cameræ
pauimenta dispersi, acctum item & aqua rosacea. Al
terant etiam aerem lignorum incensiones, artificiosæ
fumigationes, Trocisci, thus incensum & poma odo=
riferæ. Porro loca alta cumq; fenestris ad Aquilonem

A v

uersa pestis tempore meliora sunt. Post aerem in cibo
 & potu summum delectum haberi par est, nempe ut
 Euchimi sint boni; odoris, ne cruditate quadam sto-
 machum laborare contingat. Eiusmodi autem sunt
 Phasiani, Perdices, Turdi, Capi, Ficedulae, Caro uitu-
 lina, Arietina & haedina, ceterae malae, ex ijs autem
 maxime nociuae sunt pingues. Fructus omnes praeter
 Granati & citri poma mali sunt. Cerasorum prunorum
 Persicorum & Mespilorum usus in estate nunquam sine
 uino esto. Vina uero sint paucifera boni odoris, interque
 illa uetera ferme limphentur. Quod uero ad prepa-
 randi rationem pertinet, assata magis quam elixa sumantur
 maxime hyemis tempore. Ad haec cum aceto Arantio-
 rum & Limonum succo ut plurimum condiantur, Cina-
 momum etiam cum agresta idoneum faciunt ferculum.
 Condiri etiam possunt cibaria sequenti puluere. Recipe
 Cinamomi subtilis gariophilorum an. $\frac{z}{i}$ β Tormentillae
 Granorum paradisi dictami an. $\frac{z}{i}$ β Zuccari albi lib. j.
 pulueriscentur & insimul misceantur. Est autem pestis tem-
 pore summo opere cauendum, ne pisces simul & carnes
 eodem pastu ingerantur. Si uero cuiuslibet libuerit geni-
 um piscibus satiare, petrositis id fatiat, non uero salsis
 squamosisue. Horumque malitiam sequentis pulueris asper-
 sione sustollat. R \mathcal{Z} ZZris electi $\frac{z}{i}$ ij. Croci $\frac{z}{i}$ j β Car-
 damomi Galangae liquiritiae rasae Gariophilorum an.
 $\frac{z}{i}$ j Cubebae $\frac{z}{i}$ ij, Piperis longi Macis nucis muscatae
 an. $\frac{z}{i}$ β radicis tormentillae dictami albi sandalorum triu-

Spicæ añ 3 j, rasuræ unicornij 3 ij Cinamomi ad pon-
dus omniū, fiat puluis subtilis,

Quū autem uini loco pleriq; Cereuisia (sitū non-
nulli perperam uocant) utantur, nihilq; quod sciam,
de ea ipsa memoria dignum litteris mandatum sit, admo-
nere paucis uolui, eandem alias ex hordeo alias ex aue-
na & hordeo, alias etiam ex frumento concoqui, nec
seruari undiquāq; eandem lupuli mensuram concoctio-
nisq; formulam, eamq; ob rem facillime colligi, nō idem
in qualibet temperamentum esse, obseruariq; passim ef-
fectus illius diuersissimos. Siquidem hanc diorecticam il-
lam oppilatiuam esse, hanc nutrire illam extenuare, hanc
stringere illam soluere, hanc calefacere illam infrigida-
re, hanc inebriare illam rursus ebrietatem discutere,
hanc preter lesionem neruorum ad capitis atq; adeo ad
oculorū dolorem illam uero ad Asma ducere, tantamq;
in hoc potu apud omnes uarietate inueniri, ut si Ceres
ipsa ē cœlo descenderet, non facile, quæ pestis tempore
seligi debeat, pronuntiaret. Habent enim singulæ fer-
mē ciuitates, quod de sua prædicent, Ne autem inuni-
uersum, quæ optima sit, tacere uidear, mihi inter ea
quæ præceptotes nostri de hoc potu sæpenumero con-
tulerunt, opidoq; uehementissime placet, quod olim de
Cereuisiæ prælatione sciscitantibus respondisse fertur
Symon Pistoris Medicorū ætate sua longe doctissimus
quodq; apud Arnaldum de noua uilla alicubi extare cō-
perio, ridiculum esse multis de cereuisia agere. Hanc

etenim, quæ procul ab infecto aere ex bonis granis cō-
cocta boni saporis colorisq; & clara & spumosa sit,
alijs longe anteferendam esse. Cæterum hoc quisq; sibi
ceu oraculum quoddā ob oculos ponat, in æsu potuq;
nihil equæ ac satietatem nimiamq; epularum & condi-
mentorū uarietatem execrandam esse.

In somno uero, uirium restauratore, id cum primis
obseruandum est, ut noctu non interdū celebretur, si-
atq; una potius uice q̄ aliter, nec ita cito post absorptū
cibum. Si quis uero interdū dormire solitus esset, id
sedendo in loco quopiam subfrigido faciat. Totoq; hoc
tempore summa adhibenda est opera, ne uel somnus uel
uigilia laborem fatiat.

Porro exertitium forte quoad fieri potest caueri de-
bet, cutis enim poros aperit, paratq; ad accipiendum
pestilentem aerem. Consulo tamen, ut moderate quis
corpus ante assumptum cibum exerceat, leniter enim
excrementosas superfluitates putrefactionem fatientes
consumit, innatum calorem excitat, roboriq; corporis
non modo quicq̄ adiicit sed & uires tum animales tum
uitales & firmat & restaurat. Rasis id docent uenato-
res, Huc balnea pertinere arbitror, quorum humida
præsertim publica inuniuersum caueri, aerea uero su-
doris uentosarumq; gratia usurpari uelim.

Repletio si unq̄ alias tum maxime grassante pestili-

tate mala est, Siquidem cruditates in stomacho generat
digestiuam aggrauat, excrementosas superfluitates, e qui
bus citra ullum medium putredo fit, diffeminat. Huius
itaq; uitandæ gratia ut sobrie casteq; uiuas uideto. Nam
et coitus subinde repetitus ualde nociuus est, ijs præfer
tim, qui sicca corpora habuerint, Corporis etenim spi
ritus resoluit, cutis spiracula reserat, paratq; ut pestifer
halitus introiens hominem ipsum intoxicet. Vbi uero
uxori obsecundandum fuerit, quarta castrensi uigilia
cibo intra uentriculum concocto labori debito indul
gendum est.

In ceteris uero (animi accidentia uocant) haudqua
q; committendum, ut animus tristitia pestisq; timore dis
trahatur, mortisue aut aliarum terribilium rerum ima
ginatione maceretur, sed oblectetur Musicis uel can
tilenis uel instrumentis, studeatq; illis, quæ letitiæ hila
ritati et iucunditati esse quæunt perpetuo.

DE PRAESERVATIONE A peste medicinae beneficio

CA. V.

QVVM autem humanum corpus non ita rarenter
ad pletoriam Cacochimiamq; prolabatur, egeatq; sub
inde Medici opera, omnium primum in præseruatione
corpus à putridis et excrementosis humoribus euacu
are aut saltem humores putredini aptos adequare neces
se est. Id autem quo pacto fiat quibusue instrumentis à

docto & probo Medico discendum est. Vbi uero Me-
dici copia haberi nequit, cosulo ut sequens digestium
per integros quinque dies sumatur. R^z Sirupi acetosi =
tatis citri uel acetosæ añ ʒ i Sirupi de bisantijs ʒ β
Aquarum buglossæ acetosæ Mellissæ añ ʒ j. Sexto die
nulla extrinsecarum caussarum obstante utputa con-
iunctionis oppositiōis & simili scd' in omnē sexum hæc
solutiua medicina hauriatur. R^z decoctionis cordia-
lis factæ cum decoctione aquæ buglossæ & absinthij ʒ
iiij, in qua dissolue Triseræ persicæ à Mesue descriptæ
3vj Sirupi rosati trium infusionum ʒ ij. aut loco il-
lius succi rosarum ʒ j. misce. Ceterum cum nusq̃ duo
eiusdem temperamenti corpora inueniantur, diligenter
curandum est, ut pro humoris peccantis dominio alia
& alia medicina Triseræ adiiciatur, v. gra. pro ru-
bea bili Reubarbarum Tamarindi Mirabolani citrinij
& Manna, pro pituita Turbit & Agaricus, pro atra-
bili polipodium Epithimus & folliculi sene, pro adus-
ta uero materia fumus terræ aqua casei similesq̃.

Infrascriptæ etiam pillulæ ab authoribus celebratæ
si interpolatis diebus earum una cum modico uini suma-
tur, in præseruando summam habent efficaciam.

R^z. pulueris ZZris electi 3 iiij, Infundatur in aqua
buglossæ & rosarum añ. ʒ iiij. buliant ad tertiæ par-
tis consumptionem & exprimantur. In qua expressio-
ne ponatur agarici electi pul: ʒ β eamq̃ in sole de-

siccari facito, deinde R². Aloes loti ℥ i. Mirrhæ lotæ
 & croci añ. ℥ β Agarici præparati ut supra ℥ iij.
 Mirabulanorum citrinorum ℥ ij Chebulorum ℥ i β
 Dictami & Tormetillarum añ. ℥ i. Masticis & ci-
 namomi añ. ℥ ij. Spice ℥ β Camphore grana iij. &
 cum sirupo de pomis fiat pillularum massa, de qua su-
 matur pro uice una ponderis ℥ β. Sequentes quoq;
 pillulæ solutiue sed in modum, quem dicemus, non in
 pestilentia solū sed omni alio tempore utilissimæ sunt,
 R² Reubarbari electi ℥ i β Agarici trociscati ℥ i Ga-
 riophilorum Spice añ. ℥ i. Corticum citri ℥ β Semi-
 nis citri ℥ i Aloes succocitrini electi ℥ iij. Mirrhæ ℥
 i β Croci boni ℥ ij. Tormetillæ ℥ β sandalorum ru-
 beorum, seminis acetosæ, Corall: rub. añ. ℥ β boli ar.
 ℥ i β. Camphoræ gra. ij. Agaricus in Oximellis infu-
 sione stet horis octo, reliquis autem arte puluerisatis
 & expresso deinde Agarico sumatur expressio, cum
 qua & syrupo de acetositate citri q. s. fiat pillularum
 massa, e qua cogente necessitate vij pillulæ pro ℥ i.
 formentur, boloq; armeno aspergantur. Sumpto itaq;
 per dies aliquot digestiuo accipiatur ℥ i. hoc est, vij.
 pillulæ numero. Postea singulis quinq; dieb, semel tres
 pillulæ ad Gallicinium sumantur, uenterq; sex horis ge-
 nio defraudetur. Extant quoq; pillulæ Montegnanæ,
 de quibus magni nominis Medici pronuntiant in præ-
 seruandis hominum à peste corporibus nullam medici-
 nam eis anteferendam esse.

Num autem uenæ incisio mortales à peste præser =
uet, inter medicos non dum conuenire scio. Ego autē,
si nil obstiterit, relictis interim opinionibus, non modo
sanguinis dominio non apparente, sed eo nec quali nec
quanto peccante uenam eamq; basilicam incidendam
suadeo, ut iij. aut iiii. 7. eductis sanguis paulisper re =
frigeretur, certiusq; de eius substantia & qualitate sta =
tuatur. Siquidem incisa uena longe uerius q̄ ex qualibet
etiam urinae dispositione iudicium de sanguinis natura
fertur. Nec interim expectanda sunt Astronomorum
decreta, ad que Chirurgici pincernarum more hederam
& Ricinia suspendunt, nec etiam ad consuetudinē pro =
uocandum, sed ea in parte docti & probi Medici iudi =
tio standum. Vbi itaq; grossus & subater apparuerit,
modis omnibus secundatio facienda est. Atq; hac rati =
one plerosq; superioribus annis Lypsie in scuißima eti =
am peste seruatos esse multi sunt qui ad nos retulerunt,
Anteq̄ uero incidatur uena, alius subducenda est, si nō
expultricis fortitudine, saltem balano. Quibus uero p
ætatem aut impregnationem uenam non licet incidere,
sitiam eius loco ad scapulas seu lumbos cute phlebotho =
mo intercisa defigant.

Porro quum grassante peste cordi, uitæ spirituumq;
origini, potissimum insidia struantur, Medicis quibus
dam consultissimum uidetur, ut tertio à purgatione die
duabus ante prandium horis sequens unguentum regi =
oni cordis applicetur, aut etiam continuo fixum super
eo geste =

eo gestetur, R^z. basiliconis recentis ℥ iiij. florum bo-
rag. buglos. mellis. añ ℥ j. Doronici ossis de corde cer-
ui añ ℥ j. Hiacinthi Schmaragdi saphiri añ ℥ j. Co-
ral: rubeo. ℥ j β Farinæ amili ℥ j β Farinæ ordeï ℥
ij Croci ℥ β Violarū rosarū florum nenupha. añ ℥
ij Coquātur arte herbæ & cū oleo de nenuphare q.s. in
corporentur, & addendo ceræ albæ q.s. fiat unguentū.

Debent etiam adintra quottidie ante egressum ē do-
mo medicinæ Bezoardicæ sumi, quarū aliæ simplices,
aliæ compositæ, omni pestifero ueneno sui proprietate
resistunt. Principio magni doctoris secretum est ad pre-
seruationem, ut quis ieiunus bolum unum foliorū rutæ
& buglossæ & acetosæ cū modico aceti absumat, aut
iuglandem cum modico rutæ & sale, aut dictami &
tormentillæ in umbra exsiccata & puluerisatæ radicē
in aqua rosata ad ℥ ij quantitātē, idem prestat cedua-
ria uel aristologia longa uel Gentiana in ore masticata.
Sua etiam cuiusq; urina mane obsorpta ueneno poten-
tissime obluetur, quemadmodum acetosa, folia quer-
cina, pinpinella, ualeriana, baccæ lauri, millesoliū, cnu-
la, absinthiū & similia per se aut in puluerem redacta.
Proderit quoq; tres de sequentib. pillulis non solutiuis
mane accipere. R^z terræ sigillatæ ℥ j β boli ar. ℥ iij.
incorporentur cum sirupo acetositatis citri. Mirabilis
quoq; efficacitæ est infra scripta confectio in morsellis à
celebri quodam experimentatore inuenta, R^z boli ar-
meni præparati terræ sigillatæ preparatæ añ ℥ β. radi

B

cum dictami & tormētillæ sandalorum rub, añ 3 j, ra-
suræ eboris corticū citri spodij añ 3 ꝑ Margaritarum
3 ij Rubinæ Schmaragdi Saphiri Hiacinthi añ 3 j.
rasuræ Vnicornij 3 ꝑ subtiliter omnia terātur, & cū
s.q. Zuccari taberzet fiat in morsellis confectio, cuius
sumat omni mane cū modico aq̄ acetosæ morsellū unū
ij 3. Extant & alia preseruatiua multo probatiss, in-
ter quæ est electuarium de nucib. Item Electuarium de
ouo, quo diuū Maximilianū usum fuisse tradunt. Item
Electuarium præceptoris mei de Vnicornio cum aqua
uitæ uirtutis efficacissimæ Circumferuntur etiam pulue-
res nobiliss, ut ille de Euforbio, item alius Montegnane
inter quos mea quidem sententia sequens, quo plerosq;
in peste & præseruatos & curatos esse scio, non om-
nino inter postremos habendus est. R̄ Radicum antho-
ræ. Tormētillæ scabiosæ, pinpinellæ, dictami, tunici,
corticis citri añ 7 j terræ sigillatæ 7 j ꝑ boli armeni
præparati 7 ij. Mirhæ electæ aloes epatici añ 7 j Cra-
ci 3 j Masticis 3 iij. liquiriciæ 3 ij. herbæ scabiosæ
& acetosæ añ 3 j. Zucca. candi. quartam j puluerisen-
tur omnia inq; uitreo uel argenteo uase reseruentur.
Vbi itaq; ieiuno stomacho prædicti pulueris 3 j in
uino aqua rasarum uel acetosæ limphato accepta fue-
rit, non eo modo die securum à peste reddit, sed infectū
etiam dei adminiculo facillime liberat. Caterum inter
Medicinas omnes cor à pestilenti aere tuētes magna Ga-
leni Teriaca prærogatiuam obtinet, post hanc Mitridæ

tum. Debet autem teriaca in Hebdomada bis ad minus
sumi ieiuno stomacho a \mathfrak{D} i ad \mathfrak{Z} i, Assumptione uero
sex horis ieiunandum est. Pauperes et quibus theriaca
copia non est, eius loco allio, cepis, prassio, Isopo
scabiosa uel enula uti possunt. Ego autem hoc anno se
cretissimo & expertissimo puluere cum adscripto elec
tuario non infœliter usus sum. R \mathfrak{z} Radicũ dictami tor
mentillæ añ \mathfrak{Z} i Sandalorum rub. boli armeni præpara
ti, terræ sigillatæ preparatæ añ \mathfrak{Z} ij. Lumbricorum lo
torum optime & exsiccatorum & puluerisatorũ \mathfrak{Z} ij
Nucis uomitæ \mathfrak{Z} i β Teriaca antiquissimæ \mathfrak{Z} β semi
nis acetosæ \mathfrak{Z} iij de quibus omnibus fiat puluis & bene
exsiccetur & in præuisionem detur singulis dieb. \mathfrak{D} β
cum uino bono aut misceatur cum sequenti electuario.
R \mathfrak{z} Zuccari candi \mathfrak{Z} i β ZZris albi \mathfrak{Z} i Camphoræ \mathfrak{Z}
 β . Tormentillæ dictami añ \mathfrak{Z} ij β osium de corde cerui
 \mathfrak{Z} i β . rasuræ unicornij \mathfrak{Z} β puluerisentur omnia scor
sim & cum Teriaca & Mitridato q. s. incorporentur
¶ Poma etiã odorifera spiritib, ne pestilenti aeris cor
ruptione ledantur, magno sunt adminiculo. R \mathfrak{z} Dragā
ti electi \mathfrak{Z} i infundatur in aqua rosata, postea cū mol
lificandum fuerit, in pasta sequentes cum illo pulueres.
R \mathfrak{z} Storacis Calamitæ \mathfrak{Z} ij β . Laudani \mathfrak{Z} ij. belgioi e
lecti \mathfrak{Z} ij. pulueris radices ireos Gariophilorum añ \mathfrak{Z} β
Camphoræ Musci añ \mathfrak{D} β Ambrae \mathfrak{D} i, misce omnia
& ad decentē duriciem redigantur & fiat pomũ, quod
auri uel argēti reticulo inclusum parua cathena in bra

B ij

chio ligatum gestetur. Aliud & membrorum spiritua-
lium uehementer confortatiuum. R^z Ligni aloes stora-
cis calamitæ, rosarum immaturarum Lambrusca añ 3
j. Camphoræ 3 ß Ambra 3 ß. Musci electi gra. iij.
aquæ acetosæ, nenupharis añ 7 j ß. aquæ maioranæ 3
ij. terantur omnia per se & postea cum aquis incorpo-
rentur. Quib. uero curta domi suppellex est, spongi-
am aceto rosaceo plenam iuniperinaq; capsula inclu-
sam subinde naribus admoucāt, manusq; & faciem ex
aceto & aqua rosacea sæpissime lauent,

Multum etiam ad præseruationē facit gingiuas &
dentes aceto squillitico indies fricare sequentiq; pulue-
re refricare, R^z Salis cōmunis usti Marmoris albi pu-
micis Corallorū alborum añ 3 ij Corticum citri 3 j ß
Masticis 3 j Musci gra. iij. misce omnia simul & sub-
tilissime terantur. Hæc fricatio petia purpurea facta
nō modo à peste præseruat sed gingiuas fortificat, bonū
oris odorem dentiumq; candorem producit. Hæc sunt
Antidota ad præcautionē longe optima, inter quæ tria
sequentia, utputa alijs prestantiora, meo iudicio potis-
simum obseruanda sunt, Aerem pestilentem cito fuge-
re. Longo ab illo abesse, & tarde ad eundem reuerti,

DE PRAECAUTIONE EORVM

qui intoxicatorum curam gerunt,

CA. VI.

NE autem eorum corpora, qui infectorum gratia
ingenti se periculo exponunt, contagione facile trahan-

tur, diligentissime obseruandum est, ut toto illo tempore, quo infectis inseruiunt, singulis diebus mane. 3^o si teriacæ in optimo uino accipiant, manusq; & faciem nunc uino nunc aqua acetosa nunc forti aceto sedulo lauent, interq; se & egrotum consurgentis flammæ ignem, cui odorifera iniecta sint, teneant, cameræq; aut triclinij pauimenta & parietes aceto aut aqua rosacea interspargant, nec interim negligent odorifera & trociscos, Egredianturq; aliquoties in publicum hauriendi aeris causa, spirantib. præsertim à septentrione uentis, quos Medici tam salubres tum esse, ut etiam apertis fenestris excipi debeant, pronuntiant. Ab ægroti uero anhelitu sibi q̄maxime caueant, eamq; ob rem in editiore quodā loco intoxicatum decumbere fatiant. Eamq; uictus rationem, quæ ante a nobis præscripta est, per omnia obseruent, Pomaq; odorifera aut saltem spongiam aceto rutaceo plenam & indies renouatam subinde olfātiant, Eoq; pacto futurum spero, ut intoxicatorum curam gerētes dei auxilio hijs remedijs tuto inseruire queant.

DE CVRATIONE EORVM,
qui peste affecti sunt.

CA. VII.

RELIQ. VVM nunc est, ut affecti peste curandi sint, breuissima quadam Methodo præscribere.

Anteq̄ uero curandi rationem doceam, operæprætium me facturum putauī, si paucis, signa, quib. se quisq; in

B iij

fectum colligere debet, adduxero. Solet enim aliquoties nobis hostis imponere, nosq; uelut incautos opprimere. Tum ergo peste occupatum & infectum te esse credito, cū mixtim in corpore nunc rigorem nūc calorem senseris, aut cum brachia & crura simulq; totum corpus ualde de lassata fuerint, aut cum caput insolito quopiam dolore laborauerit, ad hæc, cum oculi somni amore in statione permanere nequuerint, cibiq; abominatio seu nausea cū linguæ ariditate te habuerit. Vbi itaq; eiusmodi & similia signa apparuerint, diligentiss. quo in loco à streatu puncturæ fiant, obseruandum est, cō enim pestilentiss. uirus erupturum est. Quum autem non fiat citra febrem talis eruptio, omnium primum de febre pestilentiali, quam ut plurimū aeris contagio secum adfert, statuendum censeo, eam non modo sola uenositate (quod plerosq; sentire uideo) à putridis febrib. differre, sed in hoc etiā, q; in pestilentiali putrescens materia uno loco conclusa tenetur, in putrida uero non item. In pestilentiali etiam humor cito putrescit, in putrida uero paulatine. Prouenit autē ex agentis fortitudine citius q; patientis dispositione, affligitq; alias quiete alias manifeste. Nam hac ratione bifariam eam in quietam & manifestam secernimus, Signa distinctiua prioris, in qua modica putrefactio est, hæc sunt. Quiesca est exterius & conturbans interius, scd'm plurimū perdens, & q; in ea neq; eger neq; astans caloris multitudinem percipit, & aliquando non alteratur pulsus &

urina magna alteratione, & ob eam rem ipsa ueloci-
ter est interfitiens. Hanc nonnulli Diarriam pestilentia-
lem uocant. Magis uero manifestæ, quæ nimirum multæ
putredinis est, signa perhibentur. Inflammationis mag-
nitude, syncopis, spirandi difficultas, uehementia sitis,
linguæ siccitas, nausea, mollificatio uentris, permixtio ra-
tionis, pulsus scdm plurimum paruus & frequens, dispo-
sitiō Hydropisi similis, fluxus uentris cholericus & ali-
quādo melancholicus, egestionēs fædæ et aliquādo spu-
mosæ fetidæ. Urina uero aquosa cholericæ aliquādo ue-
ro Melancholicæ. uomitiones Melancholicæ post uero
cholericæ, ad extremum sudores fetidi. Hæc sunt signa
pestilentialis manifestæ, quæ tametsi maiori ex parte
utriq; conueniant, coniunctim tamē unam ab altera cui
dentissime secernunt.

¶ Curatur autem febris pestilentialis aliis dietica,
alias pharmaceutica, alias chirurgica, duabus alias die-
tica & pharmaceutica, aut etiam omnib. Primum itaq;
omniū, quantū ad dieticam attinet, hoc loco quæ supra
de intoxicati aeris rectificatione disserui, obseruanda
sunt, danda etiā est opera circumfistentiū gratia, ut edi-
tione quopiam in loco infectus decubat, idq; duabus in
cameris, aceti irroratione uisiletorūq; & fumigiorum
odore probe expurgatis, in quarū altera interdū in
altera noctu interquiescat. Cibi uero & potus pro fe-
bris pestilentialis dispositione ordinandi sunt. Vbi itaq;
quieta & lenta fuerit, auicula aut pulli assati cū agref

B iij

ta uel granatis uel limonibus uel citrangulis conditi cū modico uini, cuius quinta pars ueri frigoris aqua sit, exhibeantur. Si uero cū multa putredine aut magna ebullitione sese manifestarit, uirtute constante subtiles cibi ijq; frigidi desiccatiui, acetosi, facili digestionis et paucæ quantitatis offerendi sunt. Quales sunt Granata mēsa, acetū, agresta, grana berberorū, ribes, acetositas citri, limones, citranguli similesq; , ijs enim putrefactioni resistitur, reliquorū ciborum malitia corrigitur, appetitus excitatur, ac calor febrilis extinguatur, Aquā uero ordeī frigidam, in qua auri lamina extincta sit, bibāt subito, idq; in bona quātitate. Siquidem paulatine parūq; pro una uice ebibita caliditatem excitat uehementerq; obest. Vbi uero deficere uirtutem constiterit, pullorū carnes cum uino meracissimo aqua rosacea diluto exhibendæ sunt.

Proxima post dieticā phlebothomie cura est, in qua maximū sæpe errorem contingere haudquāq; mirum est. Nec enim in qualibet febre pestilentiali sanguis mittendus est, sed derepente ad Bezoardicas accelerandū, quē admodum in pestilentiali quieta, quæ modicæ putredinis est, in qua ueneni malitia citra aliorū etiam humorū putredinem adeo solet cordis spiritū inficere, ut nisi medicinis alterantib. in tempore subuentum fuerit, primo statim die interficiat, foetēte præsertim anhelitu. In manifesta uero, quæ multæ putredinis ebullitionisq; est, nō potest non uehementer prodesse præsertim copiosa ser

meq; ad animiq; defectionem admissa. Hac enim infrigi
datur corpus, uirusq; ipsū ad emūctoriorū loca elicitur
reliquumq; deinde putredinis hoc facilius à natura po=
tentiore subigitur, Ceterum in qua parte sanguis de
trahi debeat diuersa medicorum sententia est, Alij enim
diuertēdi gratia ex aduerso trahendum opinantur, Alij
uero saluari doctissimorū expertissimorumq; & anti=
quissimorum medicorū sententia euidenti ratione & ex
perientia præsertim à præceptoribus usu cōfirmata in
affecti lateris parte sanguinem detrahendum esse præ=
cipiunt, idq; non in pleuritide solum sed etiam in pesti
fero abscessu. Quorum sententiam ego in præsentiarū
secutus eā in parte, in qua punctura sentiuntur. quæq;
breui abscessum emissura est, sanguinem mittēdum esse
censeo, nec enim conuenire arbitror, ut ab extima cor
poris parte ad cordis atq; adeo ad oppositi lateris regi
onem uirus ipsum postliminio reuocetur, cordisq; spi=
ritum intoxicet, qua de re doctiss, Brissoti extat Apolo
gia. Ne autem in ipsa detractiōe quid periculi accide=
re queat, consultiss. fuerit incidere uenā in habitaculo,
peroportune clauso, aere prius fumigijs & rebus
fragrantibus rectificato, ne forte intoxicatus aer intro
iens bonum & sanū sanguinem putrefatiet & intoxi=
cet suo pestilenti spiraculō. Quæ autem uenarum inā=
di debeat, paulo post de Chirurgia docebimus.

Educto itaq; sanguine putredineq; in alijs etiamnū
humoribus existente proxima ad pharmaceuticam uia

B v

est. Hac etenim Cholera phlegmatis Melancholia aut
mixtorum etiam humorum febrilem infectionē corrigi
inconfesso est. Quo autem pacto in pestilentiali febre
pharmacia uti conueniat, inter medicos parum conue-
nire uideo, Alijs enim derepente ad solutiua medici-
nam accelerantib, non desunt, q corporis desiccādi gra-
tia modis omnibus lenientia præmittenda esse conten-
dant, Quorū sententiam tantum abest ut amplectar, ut
in pestilentiali quiescat neq; pharmaciā neq; phlebotho-
miam citra ingens periculum admitti posse contendam,
Quotus enim quisq; facta phlebothomia aut exhibita
solutiua medicina derepente mortuus est? Quamprimū
itaq; se quisq; infectum esse timuerit, ad Bezoardicas
medicinas, quarū de præseruatione mentio facta est, ad
Epithimata alterantia confortantiaq; & ad mixturas
Cordiales acceleret, aut etiam sequentem de armeno lu-
to potionem absorbeat. R^x aquæ rosacæ ℞ ij uini albi
odoriferi ℞ j, luti armeni subtilissime triti ℞ i, miste p
potu, quem si non euomuerit aut reingestum detinuerit,
spes est in pestifero conflictu aut ante conflictum etiam
naturam superiorem fore, utile quoq; fuerit celebrato
pulvere simul cū Electuario uti superq; illo probe co-
opertum insudare, Vbi uero pestilentialis manifestæ sig-
na apparuerint, post incisam uenam ad forte solutiua
accelerandum est, iuxta illud, extremis morbis &c.
Idq; in morbi statim initio. Nā inchoantibus morbis &c
nec enim indutias dat morbus ille, Cōfestim itaq; à secta

uena saluberrimum hoc refrigeratiuum sumendum est.

R^z sirupi de acetositate citri sirupi de succo acetosæ,
añ ʒ i. aquarū acetosæ buglossæ añ ʒ ij. miste actūq;
frigidū exhibeto, sexta deinceps hora citra ullā formi
dinē sequens solutiū ppinato R^z Triseræ psicæ ʒ vi.
Electuarij de psilio diaprunis solu: añ ʒ i β Coraline
ʒ j. fiat bolus aut dissoluatur in aqua acetosæ. Porro
si unq̄ alias tum maxime hoc loco sollers medici iuditiū
exigitur, ut pro patientis dispositione dosim uel augeat
uel minuat, proq; humoris peccantis dominio apposita
solutiua triseræ persicæ adiitiat.

Quū itaq; noxius humor apposita Pharmatia educ
tus fuerit, dragma una secretissimi pulueris cum electu
ario de unicornio, quorū descriptiones de præseruatio
ne extant, in uino uel aceto rosacco pro inuasionis qua
litate commodissime accipitur, uirusq; pestiferū in lec
tulo probe cooperto per sudorē elicitur, Efficit enim
pulis iste præsertim electuario admixtus, ut uenenoſa
materia iam iam in principes corporis partes radices
actura nulla sua qualitate sed dumtaxat substantiæ cor
pulentiaq; ratione de centro ad circumferentiā expella
tur, Vbi autē acutissimus morbus indutias dederit, totū
q; triduum paciens superuixerit, digestiua & solutiua
non secus ac à nobis de præseruatione dictū est, exhiben
da sunt. Atq; deinceps in hoc maxime conandum, ut se
uissima morbi accidentia appositis remedijs opidoq; dili
gentissime arceantur, interq; alia potissimū syncopis fri

catione, & dolorosis extremitatum ligaturis, manuumq;
& pedum in calidam aquam immersione, perpetuoq; ace-
ti & aquae rosaceae olfatu. Nam cetera nempe spirandi
difficultatem, mentis tristitiam, cibi abominationem in
somnia, capitis dolorē, linguae nigredinē somniq;
profunditatem unicuiq; ferme obuiū est propulsare.

DE BVBONIS CVRA CA. VIII.

NON uero est, quod pestis tēpore bubones seu abs-
cessus semper expectari debeant, praesertim in febre pes-
tilentiali quiescente, tum enim adeo praesens est uenenum a-
deoq; hominis naturam debilitat, ut ea neq; audeat neq;
possit ipsum toxicum à praecipuis corporis partibus ad
emūctoriorū loca propellere. Quādo uero ipsa natura
se defendere atq; toxicū à corde expellere pro uiribus
nititur, tunc eisdem in locis oriuntur apostemata, ubi
maxime ipsa natura patitur, Pro quorum cura Chirur-
gica opus est. Apparēte itaq; bubone primū omnium ob-
seruandū est, statim ne cum febre erupuerit (tum enim
à bezoardicis auspicandum) an potius altero post fe-
brem die, tum enim, si nil aliud prohibeat, eiusdem late-
ris uena ferme ad deliquium animi secanda est. Delec-
tum autem in uenis haberi necesse est. Nam si post au-
res bubo apparuerit, cephalica inter pollicem & indi-
cem, si ad Isophagum gulamue, uena sub linguae radicē,
aperta tñ prius cephalica. si ad alas, media, si ad ing-
uina, Saphena sub pedis clauicula, seligenda est. Si uero

pestiferam febrem tertio aut quarto die bubo consequetur, phlebothomia ceu parum utilis posthabenda est, procedendumq; cum confortantib; reprimentib; & cordialib; nihilq; minus committendum, q̄ ut fortibus solitiuis quis euacuetur. In usu uero localium diligentissime prospiciendum est, ne frigidorum cataplasmatum appositione uirulenta materia postliminio ad principes corporis partes retrudatur. Superponatur ergo sequēs emplastrū uulgo etiam laudatum. R̄ Cepe unū grossum, quod in medio perforatum teriaca repleatur, inq; uiuēti cinere torrefiat, et pistetur, apostematiq; applicetur, Porro succus ex cepe ea ratione assato elicitus & ex uino albo, cui parum aceti admixtum sit, absorptus epidemiā curat potētissime, emollit quoq; abscessū sequēs emplastrū multo calidissimū, à plerisq; potentialis cauterij loco usurpatum. R̄ Armoniaci ℥ ss. bdelij Serapini añ 3 ij sinapis piretri añ 3 j Euforbij Castorei añ ℥ ss uitrioli 3 iij ficuum pinguium numero iij. fermenti acris ℥ ss. simul in uino dissoluantur & colentur & ad alia misceantur, & addantur Cantarides abscissis alis capitib; & pedibus numero. x. & fiat emplastrum seu massa. Neq; uero est, quod perfectam maturationē quis expectet, nam ante illam etiam phlebothomo aut rasorio cultro aperiendus est, aliorumq; apostematum more curandus, ita uidelicet, ut euacuata sanie abscessus emplastro ex melle & sarcocolla equaliū partium expurgetur, oleoq; uitellorum ouorum seu balsamo cicatrix

obducatur.

DE CARBVNCVLI CVRA. CA. IX.

CARBVNCVLVS autem nō secus ac ignitus carbo adurens, posthabitis aliorum curis, meo iuditio ita tractandus est, ut affectus locus statim ab initio satis profundo phlebothomi impactu starificetur, sanguisq; uenenosus adhibita cucurbita euocetur. Cum autem euocatus purulentam carnem gignat, utilissimum fuerit applicare quod bonam carnem à mala separet. Id autem certissime sequenti fit Emplastro bis interdiu mane & sero abscessui appposito. R^z Rute recētis M i fermenti ℥ β. Piperis ℥ i sal, communis ℥ i β. ficuum siccarū pinguium numero iij, pistentur omnia simul, inq; modum Emplastri formentur, facta uero carnis bonæ iuxta atq; malæ separatione utendum est unguento digestiuo, deinde, ut in aliorum ulcerum curatione, incarnando & consolidando procedendum. Memineris tñ etiam adq; etiā, ne medicinas Bezoardicas & Epithimata cum confectiōibus & mixturis cordialibus prætereas. Nam ubi uenenū anticipauerit, citiusq; q̃ medicina ad cordis spiritū puenerit, actū ferme & conclamatum de hominis uita est, Sua enim præsentia non modo alterantes medicinas a corde expellit totumq; spiritū intocat, sed hominem ipsum primo statim die citra etiam apostematis eruptionem interficit.

¶ Morbillorum & uariolarū curam utputa uulgo etiā traditam breuitatis causa sciens prætereo.

CA. IX.
Habetis Consules & senatores optimi præcauendæ
& curandæ pestilitatis Methodum : in qua si plus equo
prolixior fuerim: rei magnitudini non mihi tribuite, nec
enim licebat rem breuius, q̃ necessitas sinebat exprime-
re. Porro si quenq̃ auctoris iuuenta seu nouitas offen-
derit, sic existimet uelim, hunc nihil de suo sed de ali-
orum aceruo congesisse, quod aduersus pestilitatem
sit adminiculo. Quod si ne tum quidem auctori moles-
tus esse desierit, aut meliora receptioraq̃ scribat, aut
odio plusq̃ Vatiniano dispereat, rumpanturq̃ isti ut
Ilia Codro. Val. Lysia ex adibus soceri. Anno
à partu uirginis supra Millesimũ quingentesimũ uige-
simo septimo, Calen. Decemb.

Io. Reuschius scribebat,
Nicolaus Faber excudebat.

D. V. baldo pizkurre,
S. E. hange ph. stebant sous
non va fante post introy. waz,
nichu fu, qum ad te labor
ph. mure dfo. up, ad. Hor
ph. waz v. z. dorkis, d
ph. q. d. d. m. ch. f. r. sh.
ph. amare in dfo val,

